



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

19. Guilielmus I.

urn:nbn:de:hbz:466:1-11463

GVILIELMVS I.

*Anno
Christi
917.**Basileensis Episcopus.*

XIX.

Hic Rudolphum II. Burgundiæ Regem, & Burcardum Sueviæ Ducem prælio congressos apud Vitodurum, nunc VVinterthur, reconciliavit, & pace initâ Bertham filiam Burcardi Rudolpho matrimonio copulavit. Ita scribit Alphonsus Delbene lib. i. de regno Burgundiæ, Guillimannus, alij. Atque hæc illa est Bertha, quam teste VVilhelmo Gothardo, plurimi beatam ac sanctam Reginam nominant nobilissimo Sueviæ Ducum sanguine progeneritâ, quæ plura deinde Regiæ magnificentiæ ac liberalitatis passim crexit monumenta, cum laude tantæ virtutis perennatura. Fundavit, ut minora præteream, Collegiatam duo;

*Anno
Christi
917.*

duodecim Canonorum Ecclesiam, in valle Ergue, sive, sancti Himerij: cum inaudisset, quæ ad sancti huius invocationem prodigia patrentur, ut jam supra meminimus. Visendum illud ædificium, Divi Vrsi Martyris cultu frequentatum, in acceptis Berthæ refertur, quæ pientissima Regina, instinctu divino reperita aliquot Martyrum Thebæorum corpora altari eiusdem Martyris intulit; atque adeo Solodorum, oppidum tunc, aut castrum non ita celebre, cum omni jure, Canonorum Collegio devinxit. Paterniaci etiam nobilissimum juxta ac opulentissimum Patribus Benedictinis monasterium erexit; in quo regium sibi suisque posteris Mausolæum staret, subiiciens eidem monasterio, Guillimanno teste, ipsum oppidum Paterniacum, prono ad hanc pietatem usa filiorum consensu Conradi Regis,

*Anno
Christi
917.*

Regis, & Burcardi Laufannensis Episcopi, quem aliqui perperam, Verfontinensem Archiepiscopum nominant. In sancto adeo cum sua Bertha coniugio, Rudolphus II. Burgundiæ Rex, Italiæ regnum pacificè, laudabiliterque gessit: donec tandem gentis illius mores & inconstantiam pertæsus, Guidoni Comiti ultrò cessit omni Italiâ, pactusque cum illo, pro Italia Comitatum Arelatensem retinuit, & quod reliquum fuit vitæ, transegit in sua Burgundia, non sine opinione ingenti sanctitatis, quam ei tribuunt illius ævi scriptores. Ex hisce, regiæ sanctitatis genitoribus, nasci vix alia potuit, quam peræquè sancta proles illa, Adelheidis, quæ Lothario postea Guidonis Italiæ Regis filio, tum Othoni I. Imperatori nupta, Othonis secundi mater, & Othonis tertij avia fuit, ac, dum viveret, eo morum deli-

Anno
Christi
917.

delibato flore excelluit, ut illi postmodum ab Ecclesia supremi honores decreti fuerint; uti testantur Einsidlensium annales, qui etiam jam olim Canonicum officium de ipsa conscriptum referunt, & cum Othone Magno marito præcipuis illius Cœnobij fundatoribus annumerant. Berthæ denique Reginae neptis erat ex Conrado Rege filio & Mathilde Gallia Regis filia, Gisila prudens cognominata, quæ in matrimonium collocata Ernesto Suevia Duci, Ernestum secundum & Hermannum Sueviæ etiam Duces peperit. Secundis verò nuptiis juncta Conrado Saliquo Imper. Henricum Tertium quem Nigrum passim nuncupant, Imperio dedit.

